

鳳翔府志卷之十二

祥異雜記

夫五行與五事相表裏故災祥之見載筆者必備舉之凡以昭天道明人事也鳳郡自往昔來祥固屢徵災亦迭見謹而誌之烏容已焉至若詭奇軼事雖與人道得失無關然或可備輜車之採或可佐稗官之缺見見聞事皆從實夫豈若談天誌怪之說乎志祥異雜記

祥異

重修鳳翔府志

卷之十二

祥異

一

殷

帝乙八祀周文公元年有鳳集於岐山

竹書

周

幽王二年川竭岐山崩

周語

平王二十四年秦文公十九年得陳寶

史記秦本紀

索隱曰

太康地志云秦文公時陳倉人獵得獸若彘不知名牽以獻之逢二童子童子曰此名為媪常在地中食死人腦即欲殺之拍撞其首媪亦語曰二童子名陳寶得雄者王得雌者霸陳倉人乃逐二童子化為

後序

志者何記也記其事與其人也邑有乘國有史府何以志以邑之人與事不免於繁國之人與事第撮其畧惟府採屬邑之要而備邦國之選烏得不志鳳郡爲成周故地秦漢名區山川人物風俗政化歷代紀載具詳惜其屢遭兵燹舊策淪亡前明萬歷中海一王公博採散佚始輯成志暨監司梁公桑公

國朝郡守朱公先後繼修爲綱爲目大旨燦如也歷今又一甲子往事多湮來者懸待且舊版字跡模糊魚魯難

重修鳳翔府志

卷之十一

後序

一

辨閱者不無掩卷之嘆辛巳冬我

郡憲達公移守是邦公以周召才膺分陝寄治鳳不三載而百度維新爰檢郡志喟然曰斯志也由周而來數千餘載制度之疊更政教之隆替風俗之淳漓人物之賢否其間陵谷變遷豐凶靡常災祥迭異凡所以維風化勵人才察氣數而補人事者莫不於斯是攷可聽其往有遺而來莫續乎乃命鰲總其事叅軍余君剛董其役八邑僚彥共相摻討缺者補訛者正冗者汰畧者詳公復親爲釐定刪繁歸約去華就實以仰副

雌上陳倉北坂爲石

本紀注

漢

元狩元年上郊雍獲一角獸若麋然有司曰陛下肅祇

郊祀上帝報享錫一角獸蓋麟云史記武帝本紀又扶風五

色雲見

征和四年二月丁酉隕石於雍二聲聞四百里漢書武帝本紀

元康二年夏神雀集雍宋書符瑞志

成帝時雍大雨壞郿縣平陽宮垣災林光宮門郊祀志

後漢

重修鳳翔府志

卷之十一

祥異

一一

章帝建初七年十月車駕西巡得白鹿於臨平觀車駕

西巡至槐里右扶風禁上美陽得銅器於岐山似酒

尊詔在道晨夕以爲百官熟酒宋書符瑞志

元興元年五月癸酉右扶風雍地裂五行志

安帝永初元年八月戊申客星在東井弧星東井弧皆

秦地是時羌反斷隴道是其應也天文志

延光二年岐州地大震岐山有聲

三年六月辛未扶風言白鹿見雍安帝本紀

桓帝建和四年六月右扶風地震五行志

聖天子慎重史乘之意始於乙酉秋成於丙戌夏棗黎劄劄
費近千金悉捐官俸民無絲毫累後之士大夫覩斯志
也可以驗公之政而知公之志矣

乾隆三十一年丙戌秋八月知鳳翔縣事盱江羅鰲跋

七年三月癸亥隕石右扶風一有聲如雷

五行志

靈帝建寧二年十月戊戌晦日有蝕之右扶風以聞

五行志

志

獻帝初平四年六月右扶風雨雹如斗大風發屋拔木

五行志

十二年長星隕於五丈原營中諸葛武侯卒

晉

武帝太始八年十月白鹿見扶風雍州刺史嚴詢獲以

獻

重修鳳翔府志

卷之十一

祥異

三

太康元年十二月嘉禾生扶風雍木連理生扶風

十年六月嘉禾生扶風雍一莖四穗是歲收三倍

惠帝元康七年七月秦雍二州隕霜殺禾大旱疾疫

十年五月秦雍二州疾疫

穆帝永和十一年蝗虫大起自華澤至隴山食百草無

遺

北魏

太和元年六月雍州周城縣獻白兔

世宗景明三年九月丙辰豳岐梁東秦州暴風昏霧拔

樹發屋

靈徵志

正始二年七月辛巳豳岐二州隕霜

孝明帝正光二年八月雍岐地震

延昌四年岐州獻曰雉

靈徵志

肅宗熙平二年正月金出岐州橫水縣赤粟谷

靈徵志

孝昌元年春隕星於岐如雨

靈徵志

北周

武帝保定五年十一月岐州上言一角獸見

周書武帝本紀

建德二年三月巳卯皇太子於岐州獲二白鹿以獻詔

重修鳳翔府志

卷之十二

祥異

四

答曰在德不在瑞

武帝本紀

隋

文帝開皇二十年十一月京都大風發屋拔樹秦隴壓

死者千餘人地大震鼓皆應淨刹寺鐘三鳴佛殿門

鎖自開銅像自出戶外鐘鼓自鳴者近鼓妖也

仁壽二年四月岐雍地震京房易飛侯曰地動以夏四

月五穀不熟人大饑

五行志

仁壽中仁壽宮及長城之下數聞鬼哭獻后及帝相次

而崩於仁壽宮

肅宗卽位釋元皎於鳳翔有馬生角長數寸

會內生一叢李樹有四守司馬武獻羊羔生而無尾時
此大瑞應答勅云瑞李無後之象

內足知覺樹之榮感此

代宗大歷八年五月丁丑州獻嘉麥

冊府元龜

一莖二穗

水

唐書五行志

十月丁卯鳳翔獲白鼠丑夜大雨麟遊縣山水衝萬年

十一月鳳翔府上言天士有溺死者

五行志

九年四月甲午隴州獲小鳥如雀生子大如鴉鳩

重修鳳翔府志

卷之十一

祥異

五

十月辛卯鳳翔府上言五龍見於岐州之皇后泉

五行志

十年三月鳳翔府獲白宗在九成宮霖雨大寒兵衛有

十三年七月岐山天鼓

德宗興元十五年七月鳳等州蝗

五行志

文宗開成元年夏鳳翔麟縣王尚賓家有苦蕒菜高三尺

舍數百家死者百餘人近草妖也

僖宗廣明元年正月鳳翔

光啟二年春鳳翔郿縣女岐州獲白燕獻之

四月僖宗在鳳翔馬尾慈鳥

翔麟遊草生如旗狀占曰其野有兵

昭宗天復二年帝在鳳翔十一月丁巳日南至夜驟風有烏數千迄明飛噪數日不止自車駕在岐常有烏數萬棲殿前諸樹岐人謂之神鴉

昭宗遷於鳳翔朱梁率諸道甲馬奉迎車駕時候王將帥在岐下者皆以珠顆盤幘脚貫以銀線而簪之又軍人咸以珠飾巾競相誇尚及朱梁篡位乃知朱已居人上者久矣

五代晉

重修鳳翔府志

卷之十一

祥異

七

天福二年鳳翔節度使李繼曠遣使獻白兔二云得於岐陽舊縣

宋

太祖建隆二年七月己卯隴州進黃鸚鵡

玉海

太宗太平興國九年七月鳳翔青楊木連理

玉海

雍熙二年鳳翔奏岐山縣周公廟有泉湧舊老相傳時平則流時亂則竭唐安史之亂其泉竭至大中年復流節度使崔珙上其事賜號潤德泉後又洄今其泉

復湧澄甘瑩潔太宗嘉之

湘山野錄

淳化元年鳳翔京兆府乾同等州旱

五行志

四年十二月隴州獻白鷹

玉海

眞宗大中祥符七年三月鳳翔府天慶觀甘露降

五行志

八年七月鳳翔府言麥二岐又獻芝草合歡瓜

玉海

九年九月知鳳翔府趙湘獻嘉禾圖

五行志

仁宗皇祐五年三月岐山大旱無禾

神宗熙寧九年十月天興寶雞二縣麥秀兩岐仍一本

有三四穗或五六穗者

五行志

元豐四年鳳翔府鳳州飢

重修鳳翔府志

卷之十一

祥異

八

徽宗大觀四年二月秦鳳飢

宣和五年夏秦鳳路旱

金

宣宗貞祐四年五月鳳翔扶風岐山郿縣蝨虫傷麥七月旱

月旱

哀宗正大六年六月隴州節度使石抹冬兒進黃鸚鵡

元

世祖至元三年十二月鳳翔旱

十年八月寶雞縣劉鐵牛妻一產三男

十三年岐山星隕如雨潤德泉涸

十七年潤德泉復湧出如故

二十六年十一月鳳翔屯田大水

成宗大德三年十月隴陝蝗

八年六月扶風岐山寶雞三縣旱

十一年地震岐山崩

仁宗皇慶二年有五色鳥巢於周公廟白楊樹上守臣

普顏帖木兒奏聞

延祐元年三月隴州霜殺桑無蠶

重修鳳翔府志

卷之十一

祥異

九

五年四月鳳翔府雨雹傷麥禾

英宗至治二年六月奉元郿縣水

泰定帝泰定二年二月鳳翔路飢

四年七月鳳翔府岐山等縣好舛害稼

八月鳳翔興元同日地震

致和元年四月鳳翔岐山縣蝗無麥苗

文宗天歷二年十月鳳翔府大饑

至順元年七月鳳翔麟遊隕霜殺稼

順帝至正二年潤德泉涸

七年鳳翔岐山旱

十八年鳳翔岐山縣春夏皆大旱岐山人相食

十九年鳳翔大旱

二十年七月鳳翔岐山蝗

二十四年秋九月潤德泉復出

二十五年九月鳳翔岐山縣蝗

明

洪武二年三月寶雞進瑞麥

永樂三年七月鳳翔縣進瑞麥

重修鳳翔府志

卷之十一

祥異

十

永樂十年隴州飢

永樂十二年隴州飢

永樂末年郿縣產麒麟守臣上貢至畿內安肅斃焉座

城北道左封土名麒麟塚

宣德二年郿大旱民飢

宣德六年四月隴州大水廬舍學宮漂沒

成化八年七月隴州大風雨雹有如牛者州之北山吼

三日裂成溝長半里

二 申
野 錄

成化十一年岐山潤德泉涸

成化二十一年郿大旱流亡殆盡

二十二年岐山大飢斗米萬錢

弘治五年三月隴州甘露降

七年郿縣地震者二

十五年九月十五日岐山風雷交作潤德泉復出

十七年郿縣雨雹傷稼

正德二年岐山大旱民皆流移

正德十六年四月鳳翔府甘露降

嘉靖七年郡大旱斗米千錢人相食

重修鳳翔府志

卷之十一

祥異

十一

八年蝗自東來群飛蔽天十二月鳳翔地震如雷壓死數十萬人

三十四年岐山地大震公署房舍皆傾倒民多壓死

隆慶三年正月鳳翔府地震二次有聲

四年寶雞地震

萬歷十一年郿縣大飢流離遍野

十三年鳳翔大飢斗米千錢餓殍載道至十七年始熟

十六年岐山潤德泉涸二月初三日申時郿縣晦暗

如漆抵面不見良久見星

二十一年郿城內外井聞轉石聲數月乃止

二十三年鳳翔地震五月麟遊縣烽火臺雨雹大如斗

三十二年九月十一日寶雞夜半忽東西斷裂南北若疋練食頃復合十三日地震

四十年八月鳳翔袁餉家地產嘉禾一莖數穗者數百本

四十四年六月十九日大雨古城堡東衝爲壑漂沒

重修鳳翔府志

卷之十一

祥異

十二

寺廟人民

萬歷間龍見郿縣新寨隱沒雲端一出戴家墳樹雷火爆裂又張价家豕產象不育

天啓二年鳳翔八月地震有聲

四年岐山潤德泉復出

崇正三年鳳翔西街民家豬產象隨死

五年隴州大飢

六年鳳翔夏旱秋無禾大飢民食樹皮

八年鳳翔雨灰三日

九年鳳翔府學前有烏鴉集地數萬爲陣方能應矩
十年三月十四日鳳翔蝗飛蔽天

十一年二月鳳翔蝻生食麥六月蝗食禾大飢岐山
潤德泉涸

十二年鳳翔大鼠成羣食牛人人腹食嬰兒見骨四
月有星隕於鳳翔袁画師冢不及地旋轉如冶金良
久漸高飛去照數十里扶風天鳴有火光遺蝻遍野
十三年大旱蝗歲飢人相食

十四年鳳翔大飢疫起居民闔室盡斃至野無烟

重修鳳翔府志

卷之十一

祥異

十三

十五年三月鳳翔陰霾雨土日無光冬西街民家豬
產子二首一身背上復有四蹄是年渭河清半月零
東至郿縣界西至寶雞陽平鎮
十六年秋鳳翔縣鸚鵡大至棲城樹皆滿旬日乃去
扶風遍地生鼠有大如貓者
十七年夏鳳翔縣鸚鵡又至如前

國朝

順治二年正月鳳翔天鼓鳴七月又鳴

五年鳳翔鸚鵡至春地震秋不雨冬無冰

六年秋七月鳳翔縣蝗九月岐山潤德泉復湧出

八年隴州南原里麥秀兩岐

十一年夏四月鳳翔大雪盈尺果樹皆折死六月初

七日地大震復微震者近月

十二年鳳翔天雨菽麥豌豆四月岐山大雪殺禾

十三年八月郿縣冰雹起南山過渭抵北山秋禾多

損

十四年春旱又三四月隕霜甫冰扶風天鼓鳴

十六年夏四月鳳翔野多妖青白晝擲甗瓦壞人飲

重修鳳翔府志

卷之十一

祥異

十四

食是歲九頭鳥過聲若笙簧

十八年郿縣大雨雹傷人畜甚多損禾三百餘頃

康熙元年秋七月大雨渭水沒民田舍

四年元旦鳳翔大風秋雨雹如斗

六年隴州吳山卿雲見

七年郿縣霖雨數十日平地大水傍渭及山河衝地

甚多

十三年八月三十日隴州地震

十八年鳳翔饑

三十年鳳翔大旱民取草根木皮屑食又寶雞蝗自東來蔽天集樹樹有爲之折者

三十一年饑饉大疫

三十二年鳳翔東鄉北光瑤麥穗兩岐及三四岐秋禾生兩岐又扶風秋雨菽大熟

三十四年地震大有年斗麥錢二十文

三十七年大有年

四十三年隴州地震州治民舍悉倒相公山傾壓死男婦無數

四十七年地震

五十七年鳳翔歲歉地震

六十年鳳翔府旱

雍正元年夏秋大有年

二年夏秋大有年

三年夏秋大有年穀禾有一莖二三穗者

六年夏秋大有年

七年七月十六日寶雞異風捲沙霧二道一上大下小一下大上小兩尖相接盤旋自城西轉東而散有

頃飛沙雨麥

九年夏秋大有年

乾隆十三年春三月鳳翔府屬隕霜殺麥大饑

十七年四月寶雞有赤氣如疋絳自西北過東南長數尋高四五丈秋旱傷稼

三十年七月初一日卯刻地微震十八日辰刻又震申刻又微震

雜記

扶風田者見河岸土崩鑿之得一銅器狀如孟高八

重修鳳翔府志

卷之十一

雜記

十六

寸圍徑六寸乳周其體中有古文莫能辨識醫師席姓出千錢易之徧詢博古家曰此殷之乳彝也古文

爲祖丁二字

觚 贖

政和間李朝孺爲陝西轉運遣人於鳳翔府破商比干墓得銅盤徑二尺餘中有款識二十六字

墨莊漫錄按

何比干係漢平陵人此或何墓云商者誤

歐文忠曰十鼓之文可見者四百六十五字不可識者過半卽韓歌所謂牧童敲火牛礪角年深豈免有闕訛者也其可曉者有曰我車旣攻我馬旣同者車

攻語也有曰其魚維何維魴及鯉何以標之惟楊及柳則兼記田漁也凡數語可讀者蘇文忠所謂衆星錯落僅名斗者也錄 雍右石鼓文周宣王之獵碣也唐自貞觀以來蘇勗李嗣真張懷瓘竇泉竇蒙徐浩咸以爲史籀筆蹟虞世南歐陽詢褚遂良皆有墨妙之稱杜甫八分小篆歌叙歷代書亦厠之倉頡李斯之間其後韋應物韓愈稱述爲尤該至歐陽修作集古錄始設三疑以韋韓之說爲無所考據後人因其疑而增廣之岐陽石鼓文有謂爲周宣王獵碣者惟董

程二氏以左傳成有岐陽之蒐證之皆鑿鑿有據其畧云考之書天子大蒐會諸侯施命令非常事也史不得無書若宣王蒐岐卽周史失之列國不得並逸何後世無聞焉則爲成王信矣郭宗昌周岐陽石古文跋又鼓有十因其石之自然粗有鼓形字刻於其旁石質堅頑類今人爲碓磑者其初散在陳倉野中韓吏部爲博士時請於祭酒欲以數橐駝輿致太學不從鄭餘慶始遷之鳳翔文廟五代之亂又復散失司馬池知鳳翔復輦至於府學而亡其一皇祐四年向傅師摻訪

而足之

王厚之跋岐陽石鼓文後

終南古敦銘蘇軾爲鳳翔府判官得古器於終南山下其形制與今三禮圖所畫及人家所藏古敦皆不同其銘有寶尊敦之文遂以爲敦耳

六一題跋

秦武公作羽陽宮在寶雞縣界元祐六年正月直縣門之東百步居民權氏濬地得古箎銅瓦五皆破一獨完面徑四寸四分面隱起四字曰羽陽千歲篆字

灑水燕談錄

詛楚文有三告巫咸文在鳳翔東坡鳳翔八觀詩嘗

重修鳳翔府志

卷之十一

雜記

十八

紀其事舊在府廡徵歸御府述秦穆公與楚成王相好及熊相倍十八世詛盟之罪以史記世家年表考之秦自穆公十八世至惠文王與楚懷王同時此詛爲懷王也

王厚之書詛楚文後

貞觀元年太宗命闔立本圖寫功臣二十四人於凌烟閣御製贊詞令褚遂良書焉宋游師雄得其本於蒲華間行部過九成宮見遺石頗多遂命邑令闔上功刻於縣庠今舊刻止存七人

麟遊縣志

鳳翔府岐陽鎮法門寺塔下層有石芙蓉工製精妙

每芙蕖一葉上刻一施金錢人姓名殆數千人宮女
姓名爲多如曰張好好李水水之類與慈恩寺塔塼
上所書同聞見後錄

漢傅毅扶風茂陵人永平中於平陵習章句因作廸

志詩漢詩評

馬嵬佛堂丞相鄭畋爲鳳翔從事時題詩曰終是聖
朝天子事景陽宮井又何人觀者以爲眞輔國之句

關史

宋高宗養鸚鵡數百一日問之曰思鄉否鸚鵡曰思

重修鳳翔府志

卷之十一雜記

十九

鄉遂遣還隴山後數年有使臣過隴山鸚鵡問曰上
皇安否使臣曰已崩矣皆悲鳴不已使臣賦詩曰隴
口山深草樹荒行人到此斷肝腸耳邊不忍聽鸚鵡
猶在枝頭說上皇閒居筆記

孫太初年十八入終南繼入太白山嚼草木居息大
石崖上時有所得赤脚散髮走最高峰持古松根叩

巨奇石以歌山樓志

趙岐娶扶風馬敦女宗姜敦兄子融外戚豪家岐嘗
鄙之與其友書曰馬季常雖有名當世而不持士節

三輔高士未曾以衣裾撇其門

冊府元龜

田游巖入太白山高宗幸其門謂曰先生此中佳否
答曰臣所謂泉石膏盲烟霞痼疾

秦穆公出狩天震大雷下有火化爲白雀啣丹書集

公車曰秦伯霸

尚書中侯

李道咸通末爲鳳翔府士曹因推發掘塚賊問其所
發云爲盜三十年咸陽之北岐山之東古塚皆開發
嘗入一塚自挺道直下三十餘尺得一石門門內箭
出不已如是百餘發不復有箭以物撞開之一盜先

重修鳳翔府志

卷之十一

雜記

二十

入俄爲輪劍所中死門內十餘木人周轉運劍其疾
如風勢不可近以木橫拒之機關遂定盡拔去其刃
因至其中但見帳幄儼然罽褥舒展遍於座上有漆
燈甚明木偶人與姬妾皆偶去地丈餘有皮裏棺柩
鐵索懸挂焉以木撞之纔動其棺卽有砂流下如水
逡巡不可止流溢四面奔馳出門砂已深二尺餘良
久視之砂滿塚內不可復入竟不知何人之墓又一
墓在咸陽原上旣入得鏡兩面可照人鼻在側畔背
面瑩潔如新磨畢以面照之如常無異以背照之形

狀備足衣冠儼然而倒立也

錄異記

郭忠恕善畫屋木林石郭從儀鎮岐下每延止山亭張素設粉墨於傍經數月忽乘醉就圖之一角作遠山數峯而已郭珍惜之岐有富人主官酒酤其子善畫日給醇醪設几案絹素及好紙數軸屢以情言忠恕俄取紙一軸畫一小童持線車紙窮處作風鳶中引一線長數丈富家子不以爲奇遂謝絕

圖畫見聞誌

范純甫官鳳翔時年尚少家人每見其卧齋中忽礮起著公服執手板危坐久之率以爲常竟莫識其意

重修鳳翔府志

卷之十一

雜記

二十一

常從容問之答曰吾時忽念天下安危事以天下安

危爲念豈可不敬耶

墨客揮犀

秦穆公時扶風獲一石佛公不識置馬廄中由余往

觀之曰此佛也穆公取安清淨處

墨池浪語

穆公女弄玉有容德蕭史燒水銀作粉與塗名飛雲

丹

天祿餘識

秦文公出獵獲黑龍此水德之瑞於是更命河曰德

水

後漢扶風馬融勤學夢見一林花如繡錦夢中摘花

食之及寤見天下文詞無所不知時人號爲繡囊
武陵

北周明帝爲岐州刺史公堂上時有圓雲若蓋五色
相間經時而滅州人以爲其下有寶器韋敬遠獨曰

此天子氣也及閔帝廢迎立之

嘉蓮
燕語

後周武帝時有強練者岐山人佯狂號曰強練冢宰
晉國公宇文護未敗之日強練執一瓠到其門前撲
破之云瓠破憐你子苦護被殺護之諸子皆楚毒而
卒時臯公侯龍思兄弟被冢宰寵遇燠灼當時強練

重修鳳翔府志

卷之十一

雜記

二十二

度其門思妻嫗等遣婢呼入爲設飲食察其言語練
謂思等云與我作婢衆嫗大笑練又云作婢會不免
他人將去安能勝我未幾冢宰誅思兄弟亦同被戮

廣古今
五行記

扶風竇寬家於梁山太和八年罷職歸治園屋命家
僕伐一樹有血滂流汪然注地食頃而盡寬知爲怪
由是閉門絕人事至明年鄭注李訓反寬與注連遂
死於左禁軍中

宣室
志

鄭注鎮鳳翔日有草如菌生於紫金帶上注喜謂芝

瑞注又嘗置藥篋藥化青蠅數萬飛去注頗惡之未

踰月被誅

杜陽
雜編

太白山居士郭體以繩係一鐵片子鳥獸聞之即集

庭下名曰喚鐵

開元
遺事

九成宮甃瓦堅潤倍石完好者磨之為硯可方銅雀

麟遊
縣志

李識諫議知鳳翔既卒有蝴蝶數萬自殞所以至府

宇蔽映無下足處府官祭奠接武不相辨揮之不開

踐踏成泥其大者如扇逾月方散

癸辛
雜識

重修鳳翔府志

卷之十一

雜記

二十三

鳳翔知客郭璩其父曾主作坊將解一木其間疑有

鐵石鋸不可入遂以新鋸兼焚香祝之其鋸乃行及

破木文有二馬形一黑一赤相齧其口鼻鬚尾蹄脚

筋骨與生無異

聞奇
錄

東坡題鳳翔東院王畫壁云嘉祐癸卯上元夜來觀

王維摩詰筆時夜已闌殘燈耿然畫僧踽踽欲動恍

然久之

東坡
題跋

寶雞縣有獨角獸樵者見其卧林間或搏虎而食之

食輒餘其半山家每得殘虎以飽又云南山有蟒噓

氣成雲人入其中輒僵

陳貞父
宗雜錄

東坡云永樂有無核棗人不可得予在岐下亦得食

一枚

蘇東
坡集

郿縣河灘上有亂石隨手碎之中有石魚可長二三

寸天然鱗鬣或雙或隻不等云藏衣笥中能辟蠹魚

金臺

紀聞 按石魚出
汧陽或郿亦有之

貞元中有韋自東嘗遊太白山棲止段將軍莊段素
知其壯勇一日眺望山谷段將軍曰昔二僧居山頂
聞樵者說僧爲怪物所食又聞人說有二夜叉亦無

重修鳳翔府志

卷之十一

雜記

二十四

人敢窺自東怒曰今夕必挈夜叉首至門下遂仗劍
奮衣捫蘿躡石至精舍見佛堂內細草茸茸似有巨
物偃寢四壁多挂野彘元熊或庖炙之餘自東度夜
叉未至遂拔栢樹徑如碗爲杖扃其戶以石佛拒之
夜未分夜叉挈鹿而至怒其扃鑄大叫以首觸門折
石佛而踣於地自東以栢樹搥其腦死而拽之入室
又闔其扉頃之復有夜叉繼至亦哮吼觸扉復踣於
戶闕又搥之亦死遂掩關烹鹿而食及明斷二夜叉
首示段段大駭曰眞周處之儔矣

太平
廣記

金星之精墜於終南圭峰之西因號爲太白山其精化爲白石狀如美玉時有紫氣覆之

錄異記

陳若亮嘉祐中知鳳翔東坡初擢制科簽書判官事

吏呼蘇賢良公弼怒曰府判官何賢良也杖其吏

聞見

後錄

武都故道有怒特祠上生梓樹文公使人伐之輒有大風雨樹創隨合有一人傷足不能行卧樹下聞有鬼語樹神曰秦若使人披髮以朱絲繞樹赭衣灰塗伐汝汝得不困耶樹神無言明日病人語文公如其

重修鳳翔府志

卷之十一

雜記

二十五

言伐樹斷中有一青牛出走入豐水中其後牛出豐水中使騎擊之不勝有騎墮地復上髮解牛畏之入不出故秦自是置髦頭騎

錄異傳

晉扶風楊道和夏於田中值風雨至桑樹下霹靂下擊之道和以鋤格折其肱遂落地不得去唇如丹目如鏡毛角長三尺餘狀如六畜頭似獼猴

搜神記

隴西有辛道度者游學至雍城西見一宅有青衣女子在門道度詣門下求食女子入告俄出引道度入見一女曰我秦閔王女今日君來願爲夫婦經三宿

女曰不可久居乃取金枕送出未逾數步惟有一塚
道度至秦以枕貨於市適秦妃出遊見枕疑之道度
具以實告妃悲泣遣人發塚啟柩始信之嘆曰此是
我壻也遂封道度爲駙馬都尉賜金帛車馬令還本

國搜神記 按法苑珠林載王
志任女事與此畧同不重載

汧陽郡有張四郎廟上元中有韋氏子客汧至廟解
鞍以憩見廟中有二屐子乃結草而成色白製度極
妙生收貯橐中及至郡郡守舍生於館亭中生以所
得屐致於前而寐明日已亡所在食頃乃於館亭瓦

重修鳳翔府志

卷之十一

雜記

二十六

屋上得之如是者三生僕乃竊於隙中伺之夜將半
屐忽化爲白鳥飛於屋上韋生命取焚之乃飛去
宣室志

興元元年朱泚亂有闔敬立爲段秀實告密使潛出
鳳翔夜抵太平舊館有二阜衫人控轡至廳阜衫人
通曰知館官前鳳州河池縣尉劉俶敬立見之問曰
此館甚荒蕪何也俶云館卒並散逃此皆某家奴
權且應奉耳良久敬立與俶同食甚飽畜僕等皆如
法敬立問俶別假一馬至四更俶又具饌令所借馬

被馱而行東方似明有吏迎拜曰前館無人大使何以宿及問所送僕馬俱已不見所馱輜重已却迴百步置路側館吏曰昔有河池縣尉劉少府殯宮在彼館後久已頽毀敬立却迴驗之廢館牆後有古殯宮木馬廢堠冥器數人而已

博異記

王維爲岐王畫一石有天然之致數年益精彩一旦風雨中雷電交作屋宇俱壞不知所以後見軸空乃知畫石飛去憲宗朝高麗遣使言幾年月日大風雨中飛一奇石下有王維字印王不敢留遣使奉獻上

重修鳳翔府志

卷之十一

雜記

二十七

命羣臣以維手跡較之無毫髮差謬

西陽雜俎

參軍黃仁濟自言壬子歲罷汧陽主簿至鳳翔城有文殊寺寺中土偶數十軀忽自搖動狀如罪人食頃

不止觀者如堵

稽神錄

岐州王祐常開館舍以待往來有一道士謁祐自稱華山道士携一張琴負一壺藥來求寄宿纔曙辭去祐令人潛偵之見道士化一大鹿西走不知所之

瀟湘錄

大唐中有路氏子性好竒廬於太白山嘗有老僧叩

門路君延坐與語久之僧曰檀越好奇請觀我元妙之踪言訖卽出一合子徑寸餘其色黑而光旣啟卽以身入俄化爲鳥飛冲天

宣室志

明扶風馬孺子與群兒戲郊亭上忽有奇女墮地群兒駭且悅之稍狎焉女怒曰帝以吾心侈大怒而謫來七日當去遂入居佛寺講室及期取杯水飲之噓成雲氣五色因取裘反之化爲白龍迴翔登天而去董卓旣死當時日月清淨微風不起旻璜等及宗族老弱悉在郿皆還爲其群下所斫射卓母年九十走

至塢門曰乞脫我死卽斬首袁氏門生故吏改殯諸袁死於郿者斂聚董氏尸於其側而焚之暴卓尸於市卓素肥膏流浸地草爲之丹守尸吏實以大炷致卓臍中以爲燈光明達旦如是積日後卓故部曲收所燒者灰并以一棺棺之葬於郿卓塢中金有二三萬觔銀八九萬觔珠玉錦繡奇玩雜物皆山崇阜積不可知數

英雄記

李傕等葬董卓於郿葬曰大風雨霆

震卓墓流水入藏漂其棺木

後漢書董卓傳

隋大業末有道者居太白山煉丹砂有成粥者給侍

甚久一日以家艱辭去道者遺丹十粒令一粒化赤
銅十觔足辦葬事弼還如言襄事復入山求丹不與
乃持刃劫之斷手刖足顏色不變并斬其首解衣見
肘後有赤囊開之則丹也弼喜持之下山忽聞呼弼
聲迴顧乃道者也曰吾不期與子至此子受丹神必
誅汝終如吾矣言已不見弼既得丹多變黃金家大
富則爲人告云有姦弼自列能成黃金唐太宗召試
有驗因授五品官令造金九造數百觔而丹盡因求
去帝令列其方弼訴不知帝謂其詐遂令斷手肘足

重修鳳翔府志

卷之十一

雜記

二十九

斬首如道者云

廣異記

諸葛山農夫掘地得一瓦器似枕形破之中有文云
諸葛枕更更驚人醒

雲臺山有樹似杉別生一枝葉似梅九月開花其辦
似梅花考太和山志有榔梅樹半面開花疑此卽榔
梅焉

益門山中虎爲害一日風起有物張兩翼如赤旗其
音如鼓片時風息樵者止見虎頭二虎爪八正韻釋
韻駁食虎豹音如鼓此其是也

明末流賊亂連破雙堡明月

即烽火台

二堡殺戮殘酷又

欲克太平堡人情恟懼多棄城走渭北有王某者令遠里人有勇畧衆議舉爲督守提劍立於北門曰賊已星布去欲何之有同死此地耳况死中可以求生也約令貧者競出死力巨室樂爲犒賞晝夜拒戰賊衆飢疲乃去自是人心翕然咸有固守之志方賊急時王令男子乘城婦女不得出門觀望雖賊矢射及房屋亦不得驚擾走動方計事於其門首其婦出門呼之食則大怒必欲斬之衆泣請不得解則罰取坡

下泉水十餘担以爲官用人以是益畏服之張更者磻溪里人善射有膽氣一日與丁壯男在田有賊忽自西來不及收衆入城賊已至弔橋城門不得閉更見勢危服單衫擁盾迎敵賊矢集盾上如蝟更呼賊帥與語一矢殪之賊驚退馬四者伐魚里人使捷勇決賊帥有三隻手某者以善槊射攝服羣賊一日率衆來營東坡下人不知其爲三隻手也時出數百人邀擊之賊發三矢衆皆驚潰賊因直薄南門門已閉矣馬四啟門獨出發一矢墜三隻手馬下左右扶上

馬馳去大衆至欲攻之三隻手曰此中有人未可圖也遂引去後三隻手入本朝有戰功官總鎮過鳳翔訪問堡人曰馬四奇男子在乎曰在今老矣因爲嘆息久之蓋惜其不及顯用於時也

王皮者居鳳翔府城外八九里許盛暑入城買皮料歸憇道傍樹下有二卒來前狀貌奇怪問曰汝王皮與王疑懼遂以實對卒曰陰府攝汝王曰某生平無大過惡望賜矜憐卒不諾又曰容到家與妻子一別可乎卒乃諾將及門卒力挽之不能入王大叫比妻

子來王已仆地氣絕矣然胸中微溫經宿未敢蓋棺王隨卒至一所儼若王者之庭儀衛吏隸無不備問曰汝爲白起偏將坑趙降卒四十萬知其罪否王曰某傭工平生不曾讀書不知白起爲何人坑降卒爲何事於是令王起凡再歷二庭問亦如之乃反接至一大池邊取池中泥塗其胸寒氣凜冽洞腹透背王卽悟曰某已記前身事矣復引至原問第三殿王告曰某曾爲白起偏將殺降卒時某曾力諫不從頃間引一荷鍬校者跪王側王識是白起而形骸骨立起

見王曰子來矣予復何言遂伏罪庭吏引王還第一
殿檢錄陽壽未終卽命原攝卒引至原憩樹下一推
而蘇妻子親鄰且驚且喜扣問備言其故有傳之京
師者差進士高括篤來鳳翔覆察果實時王元吉爲
本府照磨知之尤詳且有抄錄公文此事雖幻誕實
可爲爲將而嗜殺人者之戒故節錄大槩如上

元陶
九成

輟耕
錄